

緣起

合肥為淮右名城，皖中重鎮。物產豐饒，人文薈萃。自大陸淪陷，吾肥人士東渡赴難以來，已逾卅載。孩幼時隨來臺省之子侄輩，對於桑梓之記憶，固多淡忘，而出生於此者，更無論矣。莫不引以為憂。辛酉歲初春，查悉國立故宮博物院收藏方志書類中，有安徽省合肥縣志一種，係遜清嘉慶八年刻本。其於合肥山川名勝及文物風尚等，記載甚詳，並附有圖表多幅，至堪珍貴。咸以此縣志若能翻版重印，供我旅臺人士暨子侄輩閱覽，必能興懷土之思，益勵復國之志。乃決心籌辦，向法院洽借原本，集資翻印，裝成三冊，並製函套，以利珍存。茲當縣志付刊之日，特述其緣起如上。

中華民國七十年五月

合肥縣志籌印小組敬述於臺北

籌印小組

朱懋英	王乃瓊	王佩英	王澤炎	王志和
黃保疇	汪繼武	江謙	朱克	宋天正
魏化灝	管茂杰	劉良材	張銓	曹頌楚

合肥縣志序

太史公叙天下地勢於江淮之間獨舉合肥今千餘年後山水變遷昔太史公所云受南北湖者已不復見獨其居江淮間殷盛濶大包舉湖山卓為巨邑則今猶古也余少時為令淮上歲嘗數來往於合肥知其民俗頗淳樸好文藝數十年後余承

恩命

巡撫安徽合肥在治內而毘陵左君為之

委任

令勤明於民事大邑之政得良吏而畢辦
適奉部檄令郡縣脩志而合肥之志先成
又詳審可觀足見其能為政已獨余承
而俗益美藉以自慶自慰若夫覽其圖經
山川形勝生今昔過迹之感則亦余所莫
能忘者也嘉慶八年十二月兵部侍郎兼
都察院右副都御史巡撫安徽寧池太廬

鳳潁六泗滁和廣等處地方提督軍門無
理糧餉長白阿林保兩總氏撰



合肥縣志序

癸亥之春廬州守張君輯郡志成問
序於予既為弁數語於簡端矣已而
合肥令左君復以邑志見示時予方校
士文卷填委昕夕丹黃無少暇未遑卒
業今年入夏試既竣晝長無事取其
書讀之體裁宏整考据精覈叙事
簡雅詳畧得宜信乎非通古今而能

文章者不能為也地志之作要在於山川疆域建置分合阨塞戶口水利田賦次則民風物產職官人物而古蹟藝文其附見者耳至後世作者採華遺實騫末忘本門類滋多蕪雜愈甚甚至附會夸飾以里巷無稽之譚傳為故實轉益後代之惑以此為志不如勿為已昔宋常棠澈水志僅

四十四頁明康海武功志僅七篇猗邦
靖朝邑志僅二十餘頁而包括貫串
略無遺漏世稱絕作肥之為邑舊
為紫望且自三國六朝以來為必
爭之地疆宇遼濶較他邑之小者
幾二三倍此其為志勢不得簡然而
芟繁截偽崇實黜華典故必溯
其所出之書山水必詳其經支之別

以視古作者未知何如要其賢於世
之鹵莽蹊駁不知而作者蓋已遠矣
君故毘陵名士文章書法妙傾一時
累宰劇邑去後民咸思之清風美
政上徹

天聽復

以鳴琴餘暇輯為此書俾後之
為治者有所攷焉可不謂賢乎哉
抑余竊有說焉肥居江淮之間名

泉大小不下十餘顧地處高阜灌
溉為難以故不耐旱潦田疇之利
不若居巢廬江民居其間者多
無蓋藏一遇稔歲輒不能支君泣
此久矣當必有長策碩畫拯斯民
於乂安者乃鄭白芍陂之事迄今
未聞焉意者地勢不可行與抑先
其急者而是姑有待與謹以質之

君其有以教我也時嘉慶九年甲子

夏五

賜進士及第通議大夫

日講起居注官翰林院侍講學士

欽命提督安徽學政加三級紀錄二次山

陽汪廷珍序

重修合肥縣志序

賜進士出身廬州府合肥縣知縣左輔謨

縣令責在教養簿書期會其末也然教養之術因時地而異其施以求得所宜必知其邑古今受治之盛衰得失沿流積漸之故而後從而補救焉舍邑志其奚以求知哉輔莅合肥求宋帥李大東及雍熙時主簿唐錡所撰合肥志皆久散佚不可得取雍正八年前令趙良野編輯者閱之雖不甚審已畧識盛衰得失沿流積漸之故焉合肥于漢爲侯國經靈獻喪亂劉馥建立州治設學廣屯爲合肥教養之始而地當

江淮之間南北所必爭歷魏晉宋齊梁陳戰爭無虛日并合分屬紛不可詰而悉以武夫悍卒領之江淮間至數百里無人煙肥於其時荒廢亦已甚矣唐掄簡名碩以治郡邑崔圓路應李翱賈深知劉商輩先後係聚整齊故其治卓有可紀唐末黃巢朱溫蹂躪中夏獨楊行密集邑魁傑大挫其鋒迄乎李唐以全廬歸宋雖高宗孝宗時金及僞齊沓至蕩搖勢且岌及劉錡楊存中禦之邑卒無警且馬忠肅亮包孝肅拯皆以鄉里名賢領治斯邑故至元之季已歷三百年矣而余忠宣闕云吾肥之民秀者治詩書樸者服

農賈質直而無貳心勤生而無外慕強悍而無孱弱
可乘之氣風俗之美猶若是蓋肥之教養基于漢衰
息乎六朝振乎唐盛乎宋而沿流乎元其盛衰大較
稽之志而可覩者也前明公侯雲起敦尚節義俗藉
以維末年馬差練餉民生不聊而肥當衝要尤苦驛
擾我

朝風尚之美大抵不失忠宣所云而士學益茂三河
米廩比櫛商賈至負販不竭絜諸往古蔑以加之夫
時盛時衰治之流也何以盛何以衰治之源也合肥
自漢末迄今千六百餘年盛衰得失紛變若是而志

皆明著之則盛衰得失之源與其間沿流積漸之故
志不隱寓之乎徵其明而究其隱凡教養之施于胞
者可以因勢利導而成得所宐則志之有益於治其
功甚鉅趙志歷今七十餘年時事損益旣多文獻亦
恐湮沒思以己意附益適

國家纂修三通檄取天下方志太守晉江張鞠園先
生主修郡志而命輔爲屬邑倡遂與友人莊獻可蔣
嗣曾吳育及都人士共舉其事經始于嘉慶七年之
春閱期有四月書成編三十六卷鄭樵云作史莫難
於志輔讀書少寡聞識愧斯役焉然職司教養不敢

不于所切要者審求之亦冀有以爲官斯邑者助閤
者或諒其固陋云爾嘉慶八年八月

金陵穆燦英刊

合肥縣志卷首

纂輯司事姓名

監修

賜進士出身

誥授朝議大夫廬州府知府晉江張祥雲

纂修

賜進士出身

敕授文林郎合肥縣知縣陽湖左 輔

參閱

丙午舉人合肥縣儒學教諭旌德汪繼序

己亥恩科舉人合肥縣儒學訓導金山楊懌璽

分修

歲

貢

生徐世璽

舉

人朱光照

府

學

增

生黃思贊

縣

學

廩

生董三餘

採訪

原署鳳陽府學教授歲貢生胡芹

府

學

廩

生沙猷

縣

學

附

生夏建寅

縣

學

附

生李廷棟

府

學

廩

生童澍

拔

貢

生王永烈

縣

學

廩

生蔡斗南

府

學

附

生張德欽

府

學

附

生王樹培

縣

學

廩

生趙開第

府

學

廩

生黃保嶺

縣

學

廩

生萬彬

縣

學

廩

生龔默

縣

學

附

生許樹穀

縣

學

廩

生張棧

校對

縣

學

廩

生董三餘

府

學

廩

生黃保泰

府

學

附

生謝朝黼

繪圖

國

子

生陽湖岳 澧

經理董事

國

子

生張之桂

候

選

千

總范華國

布

政

司

理

問虞廷瑾

府

學

增

生謝麒書

候

選

州

同李厚

國

子

生王運馨

候

選

州

同趙璵

寫捐司事

縣

學

生王海寧

候

選

州

同李立人

縣

學

生吳英華

貢

生黃揆也

國

子

生龔大旭

縣

學

生王化純

縣

學

生胡登瀛

縣

學

生王沛元

縣

學

生程 榜

縣

學

生衛 楹

縣

學

生翟大本

縣

學

生鄭邦翰

縣

學

生劉治馨

縣

學

生解 體

府

學

生蔡應元

縣

學

生陸廷勸

國

子

生劉怡高

貢

生趙彩

縣

學

生童灼

貢

生任殿颺

凡例

一郡邑志定例六十年一修合脩舊志成於雍正八年迄今數過文獻將湮亟宜纂輯今定圖志表傳四綱近以類附計成三十六卷凡舊志編列徵引于鄙見有未安者不敢規襲

一志尚徵實所以傳信茲各類編列務求據依偶有事涉不經地尚畱其名迹則亦附按于後以俟考不敢從刪若荒誕渺茫及現不隸邑境者雖見古書槩不濫引

一地圖必用開方法然後邑境廣輪形數累黍不差

所以定封守資經體也

一屬府各祠廟職署建置沿革非縣志所宜詳今止循方位列入城圖以符體制

一疆域向止列四至八至今於鄰界處竝隨方注載至各方道路之大小紆直夷險分合皆守望干掇所宜知亦詳列圖次

一志山向以鎮山爲首名山次之大蜀山近城向爲邑鎮今仍之小蜀雞鳴崙土山皆大蜀支衍次焉餘則自西而南而東而北順位分列不另次名山庶無分割凌越之弊

一合肥之水唐六典通考諸書僅表肥淝其實店埠派河二水亦經流也舊志漏淝固疏派河店埠二水亦語焉不詳至小水瀦蓄貫輸有關農利亦不空畧今於境內各水尋源溯流并其曲折經行分合歸輸之處皆詳志之各分附於經流之後

一凡志皆載星野或兼附占驗今法每地方二百里當天星一度則一縣之大不過得分宿一度之限今欲辨分星何度以占災祥豈非惝恍故從刪省以免附會

一三代封建各君其國自郡縣以後侯王建除不常

凡何代建國封侯已詳沿革舊志封系今亦從刪
一廬州營統合肥無爲廬江巢四處而城守以地爲
主故兵防但載在縣境者

一世襲表起於三國迄於前明所載皆邑人其餘若
堅鐔之類雖世爵合肥而人非土著則不書

一應例雖非正途然貲郎納粟自古有之今附選舉
一人物舊志分類最繁今但次時代不更分門惟方
技者壽流寓方外仍舊旣省檢閱亦免牽合牴牾
一舊志人物傳所載如漢淮南王安文翁許子威周
榮毛義左慈三國陳翼周瑜丁奉晉何琦宋何子

平梁何炯隋樊子蓋五代伍喬宋何栗元羊仁王
翰明巫凱金玉黃德功之類歷考史傳皆非合肥
人又如東漢施延魏王祥弟覽三人皆避地廬江
宋宋筠知廬州卒葬於城西未嘗移住合肥舊入
僑寓亦非今皆刪正

一列女先旌表挨年爲序失年則類列于後未旌者
次之其現年守節過二十五年年逾五十者又次
之有年二十以內守節過二十五年年雖未及五
十者亦間附焉貞女以守貞二十年爲限庶幾善
善從長之意

一藝文例以邑人著述書目爲正凡金石文字及疏議詩詞則類爲集文附志傳之末舊志誤

詩文先序他邑名人及官斯土者邑人次之以別主客